



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXIV. ad annum CCCXLVI.

Parisiis, 1644

Epistola Synodalis De Rebvs In Synodo Gestis.

urn:nbn:de:hbz:466:1-15072

terrarum ora ad alteram usque se porrigitem.

Hanc fidem a sacro sanctis euangelis accepimus, ipso
Math. 28. Domino suis discipulis dicente: *Euntes, docete omnes gentes, baptizantes eos in nomine Patris & Filii & Spiritus sancti.* Si vero ista non credimus, sicut vniuersa catholica ecclesia & scripturae docent, quibus quidem omnino fidem adhibemus; iudex noster Deus sit in praesentia, & in futuro iudicio. Quapropter tuam pietatem obsecramus, imperator sanctissime, ut quoniam viri ecclesiastici sumus, & sensum tum ecclesie, tum sacrarum literarum tenemus, nos pro tua sanctimonia, quae & pacem conciliat, & Deum auguste veneratur, controversiis omnibus & inanibus argutis sublatis, matri nostrae ecclesiae scilicet adiungas: vti & nos & ecclesia tranquille vitam degentes, inter nos mutuo pro pacato & pio regni tui statu, & pro vniuerso hominum genere omnes communiter consuetas preces peragamus.

EPISTOLA SYNODALIS DE REBUS IN SYNODO GESTIS.

Sancta Synodus Hierosolymis coacta, ecclesiae Dei quae est Alexandriae, & per AEgyptum, Thebaida, Libyam, Pentapolim, reliquisque per orbem episcopis, presbyteris, & diaconis in Domino salutem.

OMNIBVS nobis ex diuersis prouinciis in vnum congregatis ad panegyrin celebrandam pro dedicacione martyrii Saluatoris, quod religiosissimus imperator Deo omnium regi & Christo eius aedificauit; maiorem nobis animorum letitiam, Dei gratia, literae eiusdem religiosissimi imperatoris praebuerunt; quibus nos ad ea quae oportuit instigans omnem inuidiam ab ecclesia Dei expellit, & omne odium procul abigit, per quae Christi membra iampridem dissidebant; auctorique fuit, vt simplici & placido animo reciperemus Arianos, quos aliquamdiu improba inuidentia extra ecclesiam detinuit, & viris istis de rectitudine fidei in literis suis testimonium praebet, quam cum antea fama audiuerat, ipse eamdem ex viua eorum voce cognouit, cognitamque approbavit; eamque rem nobis manifestam reddidit: eo quod literis

ANNO CHRISTI 335. teris suis orthodoxas eorum virorum opiniones scripto comprehensas subiunxerit, quas omnes agnouimus sanas & ecclesiasticas esse. Quapropter iure admonuit, ut viri isti recipierentur, & coadunirentur cum ecclesia Dei, ut vos ex epistolæ eius exemplaribus cognoscetis, quæ nos ad pietatem vestram misimus. Credimusque vobis ipsis, veluti propria membra vestri corporis recuperantibus, magnum ex ea re gaudium latitudinem obo rituram, dum ipsi viscera vestra, fratres scilicet & patres agnoscitis & recipitis, non solum presbyteris Arianis, sed vniuerso populo cum omni multitudine vobis restituto, quæ ob causam istorum virorum longo iampridem tempore a vobis dissidebat: decetque vos, cognitis quæ hic acta sunt, quodque viri isti nobiscum communicauerunt, & a tanta sacra Synodo recepti sunt, quam promptissime eos, ut membra ecclesiæ coeant, & in pace sint, consalutare; maxime, quod promulgata & publice edita eorum fides indubitatam & apud omnes approbatam apostolicam traditionem & doctrinam complectatur.

VITA,

ANNO CHRISTI 336. EPISTOLA ET DECRETA
MARCI PAPÆ.

* Facun- **M**ARCUS natione Romanus, ex patre Prisco, ^b sedit annos duos, menses octo, dies viginti unum. Fuit autem temporibus Constantini Augsti, & Nepotiani ac ^c Secundi consulū, ^d ex die Kalendarum Februariarum, ^d usque in diem Kalendarum Octobris. ^e Hic constituit, ut episcopus Ostiensis, qui consecrat episcopum Vrbis, tunc ^f pallio vteretur, & ab eodem episcopo urbis Romæ consecraretur. Et constitutum de omni ecclesiastico ordine fecit. Hic fecit duas basilicas, unam via Ardeatina, ubi requiescit; & aliam in urbe Roma, iuxta Palatinas. Ex huius suggestione obtulit Constantinus Augustus basilicæ, quam ^g constituit via Ardeatina, fundum rosarum, cum omni agro campestri, præstantem

* come-
terium
confi-
tuit Concil. Tom. 2.

Zzz